

INFORMACIJA

O STANJU NA PODRUČJU KANTONA SARAJEVO UZROKOVANO POPLAVAMA U 19:00 SATI

Vlada Kantona Sarajevo je danas popodne u prostorijama Općine Vogošća održala svoju 27. vanrednu sjednicu na kojem je načelnik Štaba civilne zaštite KS Mustafa Kovač upoznao Vladu sa najnovijim informacijama o stanju i posljedicama elementarnih nepogoda na području Kantona Sarajevo.

Vlada je danas razmatrala mogućnosti privremenog smještaja evakuisanog stanovništva iz rejona Svraka, te je Vlada zadužila Ministarstvo stambene politike i Ministarstvo za boračka pitanja da pripreme moguće prijedloge za privremeni smještaj iseljenih porodica sa ugroženih područja. Nakon što se napravi potpunija evidencija najugroženijih, Vlada će poduzimati mjere i dati svoje učešće u trajnom zbrinjavanju porodica koje su ostale bez svojih domova.

Ministarstvo za rad, socijalnu politiku, raseljena lica i izbjeglice na današnjoj sjednici dobilo je zaduženje da u saradnji sa Direkcijom za robne rezerve obezbijedi pakete pomoći za najugroženije naše sugrađane, kao i najmanje jedan topli obrok u javnim kuhinjama u Kantonu.

Vlada će radi ubrzanja procedura javnih nabavki, odrediti najhitnije projekte u smislu nabavke roba i usluga za sanaciju nastalih šteta prouzrokovanih poplavama na području Kantona.

Vlada je napomenula, da su svi privredni subjekti na području Kantona Sarajevo u obavezi da poduzimaju sve mjere samozaštite, kao i mjere sanacije i otklanjanja šteta uzrokovanih elementarnim nepogodama.

Vlada je još jednom dala svoju podršku svim jedinicama civilne zaštite, vatrogascima, policajcima i svima koji su doprinijeli spasavanju ljudi i materijalnih dobara u protekla tri dana. Takođe, u granicama svojih mogućnosti, Vlada Kantona Sarajevo će pružati pomoć najugroženijim i na ostalim područjima Bosne i Hercegovine bilo da se radi o zdravstvenoj zaštiti, najnužnijim lijekovima ili drugoj potrebnoj opremi.

Visina vodostaja na svim vodotocima opada, tako da je u 16:00 sati prema podacima dobivenim od Federalnog meteorološkog zavoda – Sektora hidrologije visina vodostaja na rijeci Bosna, mjesto Reljevo iznosio 356 cm, dok je na rijeci Miljacka, mjerno mjesto Čumurija iznosio 157 cm.

U odnosu na predhodni izvještaj stanje na području Kantona Sarajevo je bez većih promjena, osim što su na području općine Novo Sarajevo evidentirano nekoliko klizišta i to:

Služba CZ općine Novo Sarajevo

- 1) Dana 16.05. evidentirano je klizište na lokaciji Gornji Velešići do 64. Služba za inspeksijske poslove je izvršila obilazak klizišta i konstatovano je da se potporni zid u dužini oko 30 metara nakosio i sa sobom povukao dio saobraćajnice iznad cijelom svojom dužinom. U toku je obilazak lokacije radi preduzimanja hitnih mjera za otklanjanje opasnosti;
- 2) U 16:00 sati je evidentirano klizište u ulici Zahira Panjete 348. Radi se o staroj kući. U dojavi je naglašeno da je došlo do dislokacije saobraćajnice u blizine kuće. Inspektori Službe za inspeksijske poslove su izašli na teren i vrše procjenu.;

- 3) Danas je evidentirano i drugo klizište na lokalitetu Hum Brdo na saobraćajnici Gornji Pofalići – Bušće. Radi se o ranije saniranom klizištu. Inspektori Službe za inspekcijske poslove su zaduženi da izađu na lice mjesta i procijene situaciju;
- 4) Danas je u 15:30 sati održana sjednica Štaba civilne zaštite Novo Sarajevo. Na današnjoj sjednici donesen je zaključak o finansijskoj pomoći općinama najteže pogođenim poplavama, i to općini Vogošća u iznosu od 20.000 KM, te općinama Olovo i Maglaj po 15.000 KM. Navedenim općinama će u narednim danima Općina Novo Sarajevo, putem svog Štaba Civilne zaštite, distribuirati i određene količine flaširane vode, mlijeka, te hljeba produženog roka trajanja;
- 5) Putem Štaba Civilne zaštite i općinske organizacije Crvenog križa već je započelo prikupljanje pomoći od građana za općinu Olovo na punktovima u Općini Novo Sarajevo i prostorijama Crvenog križa Novo Sarajevo koja će trajati tokom vikenda, te vrlo brzo biti i distribuirana ugroženim područjima;
- 6) Štab civilne zaštite Novo Sarajevo je stavio na raspolaganje dva čamca FUCZ za akcije spašavanja građana;
- 7) Pripadnici Vatrogasnog društva „Novo Sarajevo-1934“ kontinuirano vrše crpljenje vode iz ugroženih objekata i sa klizišta na teritoriji naše Općine.